

**Kinaraya - Kaluwasan Balaan nga Kasulatan - Salvation Scriptures**

**Efeso 2:2 hay nagagawi kamo kato nga nagasunod sa mga malain nga ginahimo kang mga tawo sa kalibutan, kag nagasunod pa gid sa nagahari sa mga ispirito nga dyan sa kahawaan. Dya tana amo man ang nagapanghikot kadya sa mga tawo nga nagasupak sa Dios.**

**Mateo 6:10 kabay nga mag-abot run ang tion kang imo paghari, kabay nga matuman ang imong pagbuut rugya sa lupa pareho nga ginatuman rugyan sa langit.**

**Lucas 22:42 Nagkuon tana, "Amay, kon pagbuut nimo, bul-a kanakun ang dyang kupa kang pag-antos. Pero bukun ti akun kabubut-un ang matuman kundi ang imo."**

**Juan 16:7-9 Pero ginasugid ko kaninyo ang matuod: ang akun nga paghalin para sa inyo kaaraydan, hay kon indi ako maghalin indi man mag-abot kaninyo ang Manugbulig. Pero kon maghalin ako ipadara ko tana kaninyo. 8 Sa anang pag-abot ipamatud-an na sa mga katawhan sa kalibutan nga sayup ang andang pagpati nahanungud sa sala, nahanungud sa pagkamatarung, kag nahanungud sa paghukum kang Dios. 9 Sayup sanda sa andang ginapatihan nahanungud sa sala tungud nga wara sanda nagatoo kanakun.**

**2 Timoteo 2:10 Gani ginabatas ko ang tanan nga ria para gid lang sa kaaraydan kang mga pinili kang Dios, agud to nga maluwas man sanda paagi sa andang kaangtanan kay Cristo Jesus kag maaguman nanda ang mahimayaun nga kabuhi nga wara ti katupusan.**

**Roma 15:20,21 Handum ko gid kag dumut nga magpangwali kang Mayad nga Balita sa mga lugar nga ang mga tawo wara pa makabati nahanungud kay Cristo, tungud hay indi ko gusto nga magtukod sa pundasyon nga naumpisahan run kang iba. 21 Pareho kang ginakuon sa Kasulatan, "Ang wara pa masugidi nahanungud kana masanagan ang andang panghuna-huna; kag ang wara pa makabati parte kana makaintiende kang kamatuoran."**

**Binuhatan 2:36,37 Kag nagpadayon pa gid si Pedro sa paghambal, "Gani, kinahanglan nga maman-an kang tanan nga mga Israelenhun nga ang Jesus nga dya nga inyo ginlansang sa kros ginhimo kang Dios nga Ginoo kag Cristo!" 37 Kang mabatian kang katawhan ang mga gin panghambal nga dya ni Pedro, natandug gid ang anda baratyagun,**

**kag nagkuon sanda kana kag sa iba pa nga mga apostoles, "Ti, mga kabugtoan, ano bay kadya ang amun himoon?"**

**Hebreohanun 4:2 Hay ang matuod karia, ang Mayad nga Balita nahanungud sa kapahuwayan, ginwali run man kanatun kag amo man kananda kato anay. Ugaring ang mensahe nga andang nabatian wara nanda mapusli hay wara nanda dya gintoohan.**

**Jeremias 24:7 - Mateo 22:37 Nagsabat si Jesus kana, "Higugmaa ang Ginoo nga imo Dios sa bug-os nimo nga tagipusuon, sa bug-os nimo nga kalag kag sa bug-os nimo nga panghuna-huna.**

**Binuhatan 16:14 Ang isara sa mga nagapamati kanamun amo si Lydia nga taga-Tiatira. Manugbaligya tana ka dya kang tela nga granati, kag nagasimba man tana sa Dios. Ginbuksan kang Ginoo ang anang tagipusoon agud magpati tana sa mga ginapanghambal ni Pablo.**

**Mateo 13:14-16 Gani natuman kananda ang ginkuon anay kag Dios paagi kay propeta Isaias nga, 'Magsagad man kamo ka pamati, indi man angud kamo makahangup, kag magsagad man kamo ka turuk, indi man angud kamo makakita. 15 Tungud hay mga maawut ti ulo ang mga tawo nga dya, kag ginapalapos lang nanda sa pihak nga talinga ang anda nabatian kag ginpirung nanda ang anda mga mata. Kon wara nanda dya ginhimo, kundi nga makakita raad sanda, kag makabati, kag makahangup, kag magdangup daad sanda kanakun kag aydun ko sanda.' " 16 Nagpadayon pa gid si Jesus sa paghambal kananda, "Pero kamo tana, bulahan gid tungud hay makakita kamo kag makabati.**

**Isaias 6:9,10 - Binuhatan 28:27 Tungud hay mga maawut ti ulo ang mga tawo nga dya, kag ginapalapos lang nanda sa pihak nga talinga ang anda nabatian kag ginpirung nanda ang anda mga mata. Kon wara nanda dya ginhimo, kundi nga makakita raad sanda, kag makabati, kag makahangup, kag magdangup daad sanda kanakun kag aydun ko sanda.' "**

**Marcos 4:11,12 Gani nagkuon si Jesus, "Gintugro run kaninyo ang kaaram sa paghangup kang mga likum nga mga kamatuoran nahanungud sa paghari kang Dios. Pero sa iba tana pagatudloan sanda paagi sa mga paraanggidan, 12 agud to nga, 'Bisan magsagad sanda ka turuk, indi man angud sanda makakita; bisan magsagad sanda ka pamati, indi man angud sanda makahangup. Tungud hay kon ginhimo nanda ria, magadangup sanda sa Dios, kag patawarun na sanda.' "**

**Juan 12:39,40 Indi sanda makatoo hay pareho kag ginkuon man anay ni Isaias, 40 "Ginbulag sanda kag Dios kag ginsarado na ang andang**

**mga panghuna-huna agud to nga ang andang mga mata indi makakita kag ang andang mga paminsarun indi makahangup, kag kuon kang Dios, indi man sanda magliso kanakun para nga ayadun ko sanda."**

**Roma 11:7,8** Gani kar-on, amo dyaay ang sitwasyon: indi tanan nga mga Israelinhun ang nakaangkun kang andang ginahandum. Pirambilog lang kananda ang ginpili kang Dios nga nakaangkun ka dya. Ang iba tana ginpaawut na ang andang mga ulo. **8** Amo dya sanda ang ginatumud sa Kasulatan nga, "Ginhimo sanda kang Dios nga daw pareho kag nagakaturog kang mahamuuk, nga hasta sa tulad ang andang mga mata indi makakita kag ang andang mga talinga indi makabati."

**2 Tesalonica 2:10,11** Kag himoon na man ang tanan nga sahi kag kalaotan para mapatalang ang mga tawo nga natalana run nga laglagun. Pagalaglagun sanda kadya hay wara nanda ginbaton ang kamatuoran nga amo dya raad ang makaluwas kananda. **11** Amo ria ang kabangdanan nga ipabay-an run lang gid sanda kag Dios nga madara sa mga patalang nga bisan ano nga butig patihun nanda,

**Mateo 13:18-23** Nagpadayon si Jesus sa pagkuon, "Gani pamatii ninyo kag hangpun kon ano ang buut hambalun kag paraanggidan nahanungud sa manugsab-og kag binhi. **19** Ang tawo nga nakabati kag mensahe nahanungud sa paghari kag Dios pero wara na dya mahangpi, pareho dya kag binhi nga nagtupa sa aragyan. Nag-abot ang yawa kag ginpamuul dayon ang mensahe nga ginsab-og sa anang tagipusuon. **20** Ang binhi tana nga nagtupa sa batohon nga babin kag taramnan pareho kag tawo nga kag pagkabati na kag mensahe, ginbaton na dya dayon nga may kalipay. **21** Ogaring wara gid dya magtuduk sa anang tagipusuon, gani nga wara tana nagpadayon. Pag-abot kag mga kalalat-an kag mga paghingabot tungud nga nagpati tana sa mensahe, dayon na lang man talikod sa anang pagtuo. **22** Ang binhi ruman tana nga nagtupa sa ginatuboan kag mga sapinit pareho kag tawo nga nakabati kag mensahe. Ogaring ang anang panghuna-huna natuon gid lang sa mga paralibban sa pagpangabuhi kag sa paghanggab sa manggad, kag amo dya ang nagdaug kag mensahe nga rugyan run sa anang tagipusuon gani wara gid dya makapamunga. **23** Kag ang binhi tana nga nagtupa sa manami nga lupa pareho kag tawo nga nakabati kag mensahe kag ginhangup na gid dya. Nagpamunga dya, kag ang iba nakapang-uhay kag sangka gatos, ang iba kan-uman, kag ang iba katloan."

**2 Corinto 3:15,16** Bisan hasta gani sa tulad may nagatabon gihapon sa

**andang panghuna-huna sa tion nga ginabasa ang kasugoan ni Moises.  
16 Pero ang nagatabon nga ria mabuul lang kon magdangup ang tawo  
sa Ginoo.**

**Oseas 11:3-7 - Mateo 11:28-30** "Tanan kamo nga ginabudlayan kag  
ginabug-atan, parapit kamo kanakun hay pagapapahuwayun ko kamo.  
**29 Magpasakup kamo kag magpatudlo kanakun, hay malulo ako kag  
mabuut, kag makapahuway kamo. 30 Tungud hay ang akun mga sugo  
mahapus tumanun, kag bukun ti budlay ang akun ginapahimo."**

**Binuhatan 26:18 Magapanudlo ikaw kananda agud mabuksan ang andang  
mga paino-ino kag magliso sanda halin sa kadulum paagto sa kasanag,  
kag halin sa gahum ni Satanas paagto sa Dios, agud to nga makaagum  
sanda kung kapatawaran sa andang mga sala kag makaimaw sa mga  
ginpain kung Dios paagi sa andang pagtoo kanakun.' "**

**2 Timoteo 2:24-26 Kag ang alagad kung Ginoo bukun ti parangaway.  
Kundi nga mayad tana sa tanan, sagad magtudlo, kag mabinatasun. 25  
Malulo tana sa pagpaathag kung igsakto sa mga nagakontra kana, hay  
basi pa lang bay itaw-an sanda kung Dios kung kahigayonan nga  
maghinulsul kag maman-an nanda ang kamatuoran. 26 Dayon  
masanagan ang andang mga panghuna-huna kag makapalagyo sa siud  
kung yawa nga amo ang nagbihag kananda agud magsunod sa anang  
luyag.**

**Pagpahayag 3:17-19 Nagakuon ikaw nga manggaranun ikaw, bugana sa  
tanan nga butang, kag wara run gid ti nakulang kanim. Pero wara  
ikaw nakamaan nga makaluluoy gid ikaw, pobre, bulag kag wara ti  
bayo. 18 Gani nga ginalaygayan ko ikaw nga magbakal kanakun kung  
puro nga bulawan nga ginpaagi sa kalayo, agud to nga mangin matuod  
ikaw nga manggaranun. Magbakal man ikaw kanakun kung puti nga  
bayo agud nga matabonan ang imong kahuruy-anan tungud kung imong  
pagkahublas, kag magbakal pa gid ikaw kanakun kung bulong para sa  
imo mata agud to nga makakita ikaw. 19 Ang tanan nga akun  
ginahigugma ginasaway ko kag ginadisiplina. Gani magmaukud ikaw  
sa pagsunod kanakun kag maghinulsul sa imong mga kasal-anan.**

**2 Corinto 7:10 Tungud hay ang kasubu nga gintugot kung Dios nagresulta  
sa paghinulsul kung tawo kag dya nagaresulta pa gid sa andang  
kaluwasan, kag wara ti dapat kangusulan dyan karia. Pero ang  
kalibutanun tana nga kasubu nagaresulta kung kamatayun.**

**1 Hari 18:37 - Dios turn heart back to Dios.**

**2 Corinto 4:4 Ang mga tawo nga wara nagatoo, ginbulag ang andang**

**panghuna-huna kang napakadios sa kalibutan nga dya agud to nga indi nanda makita ang kasanagan nga naghalin sa Mayad nga Balita nahanungud sa pagkamahimayaun ni Cristo, nga amo ang laragway kang Dios.**

**Lucas 8:11-15** "Amo dyaay nga kahulogan kang paraanggidan: ang binhi amo ang pulong kang Dios. 12 Ang aragyan nga gintup-an kang binhi amo ang mga tawo nga nakabati kang pulong kang Dios, pero nag-abot ang Yawa kag gin-agaw ang pulong nga dya sa andang mga tagipusoon agud to nga indi sanda magtuo kag maluwás. 13 Ang batohon nga lupa nga gintup-an kang binhi amo ang mga tawo nga nakabati man kang pulong kang Dios kag ginbaton nanda dya nga may kalipay. Pero wara dya manggamot sa andang tagipusoon. Agi lang ang andang pagpati, tungud hay pag-abot kang mga pagsulay dayon lang man nanda talikod. 14 Ang lupa nga may sapinit nga gintup-an kang binhi amo ang mga tawo nga nakabati. Ang pulong nga anda nabatian gindaug kang mga problema, kag kang andang handum sa pagmanggad, kag kang mga kalipayan rugya sa kalibutan, gani wara maluto ang andang bunga. 15 Ang nami tana nga lupa nga gintup-an kang binhi amo ang mga tawo nga nakabati kang pulong kang Dios kag ginbaton nanda dya kang hugut sa andang tagipusoon kag gintuman. Gani sa andang kaukud namunga dya sa andang kabuhi."

**Binuhatan 15:11** Pero nagapati kita nga paagi sa bugay kang atun Ginoong Jesus maluwás kita, kag amo man sanda nga mga bukun ti Judio."

**Roma 8:13** Tungud hay kon nagakabuhi kamo nga nagasunod sa Iuyag kang inyo makasasala nga kinaugali magaagum kamo kang kamatayun, pero kon paagi sa gahum kang Balaan nga Ispirito bayaan ninyo ang mga malaot nga ginahimo kang inyo lawas, magakabuhi kamo sa wara ti katapanan.